




**Akutsughu**  
**eno Akuka!**

*Akumzapu Kuchouqo  
Kiphi Kichekutsu*

**9**




**Noye** o lokeu lo shipusuvetsukeu no o ngaghaiveke shea? Noye wovekeu lo mlakipimiyo kumsuchilu anima? Noye alou eno ashou qhukimithelu venishi kumsu anikeshea? Tsutsala nono tishilunvenishi kumsu aghiaye, tile sutsa kithe kivi kije ani- noye tishilu nani. Alhou ye oxine tipaquo kumtsu qhukimithetsuni keu kupughu kije ani, eno ow ghushoghili pesu akiqheu lo ikhipukuvetsu kulupu kuka ani. Tipau ye alhoayeh lono acheghikeu kumo. Moe, khilemo kumoe. Hiye Baibel lono kutsupiyekue ke. Ningu ye azu lo putsukeu (baptism) vechewono Khristo gholo shiqho kuqhavea (**Rommi 6:4**) Kughou nono Khristo ikhilunvenikenokuxu aqau ye pithivea. Nono akumla hipau shikupuvono Pa kupulu lo ikughive aye Ampeu no o xinego kumtsu kumsumavetsuni ipi piqhipuani. Tilikhi kumo, ikemu Pano o kuphutsuno o pelo axine shivekulupu lhoayehqo kumtsu theqhiluve kulupu kukakumto tsuni ipi piqhipuani. Baibel lo cross ghili ghuthu 28 pipuani, ikemu azu lo putsukeu (baptism) ghili ye ghuthu 97 pipuani. Hiye xachilekulu kumla lo ighono akhoto lakhi shi akeu kiqike. Azu lo putsukeu (baptism) vechewono timi lakhi ye axine kuxu qhiveno akuxu kithe lo xuuve cheni. Axine kuxu ye shiqhovea, eno kumsuma qhoivea. Baibel lo akumzapu kuchouqo phijulo.

**1**

**Kuchouno azu lo putsukeu (baptism) ye lumayesakepu akhoto keshea?**

“Pulu eno azu lo putsuluvekeu xalunani, ikemu pulumo keuye puhavenani” (**Mark 16:16**).

**Khokichile:** Iye! Ikemu kishieno muduniyi shilunvenikea?



**2**

**Cross lo akupukau ye azu lo putsumoke paye kishinanikea?**

“O Nono ningu xuagha (frame) ithi ani, ningu ye ayeghi mukhuke ipikeu Pano kumsulu ani” (**Leshele 103:14**).

**Khokichile:** Cross lo akupukau ye pano kiu pukaluvekeno timu tsuchilemlave. Paye Ampeu no Pa w timiqo lau kiche piyesukeu toi shimlave (**Ezekel 33:15**) Ashekha lo ninguno kiu kihisukepukeno keno tikumtsu Alhou w lo ani. Ningu ye ayeghi mukhuke ipikeu Pano thi ani. Ningu shiahiji hipau lono kiu tomlavekeno tighi Pano ithi ani. Tsutsala akupukau no cross lono iqighilukepu shiluke aye pa ghi azu lo putsulu (baptiz) shiluni cheke. Khiu khiumu azu putsukulumi ye azu lo putsululo.

# 3

## Tile azu lo putsukeu (baptism) kukhuayeh kutomo ani, tipaqo gholo khikhiumu ikhilu nanikea? tsutsala pano amikucho lono shinikeu shi aghiaye?

“Ampeu lakhi, akupulu lakhi, eno azu lo putsukeu (baptism) ghi lakhi ke (Efesiami 4:5).

**Khokichile:** Moe. Tile azu lo putsukeu (baptism) ghola lakhi likhi ani. Tipau nguno alau aghola kutauqoye kuchou kumoke. Kuchou zulokuputsu (baptism) ye Greek tsauno “baptizo” ipi, eno tipau kiqiye azu lo ikhisu putsukeu, eno hitoi shikeu no azuloputsukeu (baptism) kuchouke. Puloshoghi Akitheu lo Greek tsa lo azu (liquids) peithakeu ajeli tache ani, eno tipaqo gholo kuzute, lepuku, eno putsukeu ghi ani. Ningu ye akiqi lakhi likhi peitha cheni tiye Greek mi tsauno baptizo- azu alou inasu putsukeu peitha cheni. Hipauno puloshoghi akitheu lo Khristomi qono baptiz shichekeu kiji kuchou ke.

**Hi ithilo:** Satan muqusuqe lono azuloputsukeu (baptism) kiji kuchou pekilivetsunike ghenguno aghola ajeli kutomo iqipheno timiqo vilu “nono khikhiumu ikhiluepimu athoke” ipicheni. Ikemu Baibel no pi akeuno, “Ampeu no kiu ovilo pikeno noye tipau sutsa gholulo” (Jeremia 38:20).

Baibel lo azuloputsukeu (baptism) ghola lakhi likhi kethono aghola 14 kumoke.

Tilehi azuloputsukeu ghola Baibel lo khijehi anikea?

# 3

Ghuthu kuthu putsukeu



Rose kupu



Teli



Azu



Lekuchhukeu Azu



Sumokeu



Aji



Kuzutevekeu



Atsabo lono pivekeu



Yehkili lono yehpuuvekeu



Akimithe Ghungu lono shikeu



Azulo inasu putsukeu



Amiti (salt)



Avehu shimova



4

### Jisu ye aghola khikhiu lono azuloputsukea? Baptiz shikea?

“Jisu ye ... Jordan ghoki lono Johan Baptist no azulopuvetsu-baptiz shivetsu, ... eno azuloputsuluve kemtsa paikhavi azu launo ipeghive” (Mark 1:9, 10)


**Khokichile:** Jisu no baptiz shikeu ye Jordan ghoki lono azu alou ilo putsu keu shi. Paye aghoki muku lo ngono shote momu kuzutekeu shipemo. Johan Baptist no timiqo azuloputsu tsunike ghenguno khile azu kupukuno aghinike no tipau a-lo wuveche (Johan 3:23). Azuloputsu nike ghenguno azu thonhei aghimayesa. Baibel no pi akeuno, “Ningu ye Jisu no kichetsukeu papekepu” (1 Pitor 2:21).

5

### Ikemu hukuthu kukuho lo sakiphemiqo no azu lo putsukeu ghola kilivetsuke kumokeshea?

“Philip ngo ayehkipeu pama kinikujo azu lo ilono pano pa pesu azu lo putsuve tsu, tishieno panongu ye azu launo ipeghive, eno Aghungu no Philip sasu wuve” (Apostolmi 8:38, 39).

**Khokichile:** Kumoe. Hi ithilo. Philip ye Khristo kukuho hukuthu lo sakiphemi lakhi. Pano Ethiopia lo akini jukukutsuu (treasurer) pesu azuloputsu tsu (baptiz) shitsu, Johan Baptist no kiu ghola lono Jisu baptiz shitsukeno tipau ghola lono shitsu. Akukuho lo khiuno kiu kiu yehkipe lakhu pe aghie pinamu pa momu li pelo Alhou zahkutsu pekilivekepu chipiu tsupuamo. Tighenguno akhopemi luthu khiunomu Alhou zahkutsu kilipuumoe.



## 6

## Jisu eno Pa khopemiyo ye azuloputsu keu (baptism) peithache aye tishi aye ishi baptism ajeli hitoi keu peitha akeuye khiuno hipaço shinikeu kilethisuvetsu kea?

“Panongu no l mlla chekeu ye adou, kughengu panonguno timi yehza pesu akukutsu lakhi toi timiqo kutsu acheni” (Mathi 15:9).

**Khokichile:** Tilehi akukuhou hami lo Khristo no shipiyekusumokeu momu ahza tsumokeu baptism aghola kutau peithakemi ani. Kuchou baptism ghola kilivetsu puzu aghola kutau kilethisuvetsuno timiqo pelo tino kuchouke ipi ikhiluvepe eno pape achenipe. Jisu no panongu vilo pi, “Nongu ye kushiye Alhou zahkutsuço hexave puzu apuh asuno pekishe ighikeu kukhuayehço pape chenikea? ... nonguno nongu puh asu kukhuayehço papenike ghenguno Alhou zahkutsuço ye pesu amekuhakeu shivetsu ani” (Mathi 15:3, 6). Tighenguno timi kukutsu papeghi Alhou mlla akeuye adouke. Hipau ghili kumsukide julo. “Ningu kumtsu ghenguno ghuthu lakhi akimithemiqo lau kuchou pephetsukeu kupulu hu amulokutsu shieno pape chelo” (Judea 1:3).



## 7

## Timi lakhi ye azuloputsu (baptiz) shinike ghenguno kiu shimayesakea?

**Khokichile:**

- A. Alhou lau kiu avehu shi anikeno ti **phijulo**. “Tighenguno wulo, shiyeh kumtsu pesu l khopemi shitsulo. Panongu pesu azuloputsu tsulo, eno lno kiu zahkutsu nongu tsupuanikeno panongu peloghi tipau pape penike ghenguno kutsupiyelo” (Mathi 28:19, 20).
- B. Alhou tsa lo kuchou kiu pipuanikeno ti **pululo**. “Khiuno puluno azuloputsunikeno (baptiz) shinikeno pa xalunani” (Mark 16:16).
- C. **Amulopebideve lo** eno oxineço launo xaide ighieno amulopebideve keu kumla pujushijulo. “Nongu kumtsu Jisu Khristo jeh lono azuloputsu lulo, axine kipimi qhikutsu ithulunike ghenguno” (Apostolmi 2:38). “Tighenguno amulo pebidelavelo, eno pekililavelo, tishiaye nongu xineço isuvetsu momu yitsuluvetsu nanike” (Apostolmi 3:19).



## 8

## Azulokuputsu (Baptism) kiqi ye kiu kea?

"Ningu ye baptiz lukeu lono akithilo pa gholo qhovae, tishikehu Apu kimthe jukuvu kuka huno akithi lono Khristo xuputhuve, tishikeuno ningu pelo akuxu kithelo xuchepeniyeke.

Kughengu pa kithi kimihhi shipuzu ninguno pa gholo kuqhalu aye, pano xuchilethughiveke toi ningu ghi mtsuqheino pa sasu lakhi shi nani. Ninguno ithi akeuno, nilhoaye aqauye Khristo kros gholono pithivae, tishino axine shichekeu lhoaye hu kutsaqhive eno hinguno hilauye ningu pelo axine quaxemi shipemoni yeke" (Rommi 6:4-6).

**Khokichile:** Azuloputsu keu kiqiye akupulumu lakhi ye azuloputsukeu lono Khristo gholo thikuqhave puzu Pa gholo kuqhaluvekeu ghili pi ani. Pa gholono azukumoki lo shiqhokuqhave eno Pa gholono xuchileluvekeu kiqi pi ani. Hipau kiqi ye thonhei ani. Noye azu lo pesu inasu putsukelo ado kitila onhethi miyive cheni eno ado kitila atuthu shemove cheni. Ophimpi pesu azu qhou inasuvekelo ado kitila ayeghi hipau shou ophimpi ithumlave cheni. Titoi no pesu azu kumoki lo Khristo gholo shiqhove, eno azu kumoki launo noye Khristo gholo xuchile ithughivea, eno tithiuye noye Khristo lono akuxu kithe lo ithughivea. Nono azu launo ipeghivekelo noye onhethi tsukholuve cheni, otuthu sheluve cheni, eno okusamiqo gholo ipeghive cheni. Titoi noye xuchilekulu ithuluvea. Khristo chineh lo ayehkulu amuqo kututa akeu toi azuloputsukeu ghi aghola ajeli kututa peitha acheni. Ike tipaqoye Jisu thive, shiqhove eno xuchileluvekeu kiqi kuchou kiche piyetsulu anima? Ado aghuloki kishekhampih kutolo azuloputsukeu (baptism) kiqi hipano kuthu, tiye Khristo ye thive, shiqhove eno xuchileluve ipikeu azuloputsu keu lono shikupu chenani. Ampeu no hitoi azuloputsu keu yehza papekeu pesu Pa kithi ghili kumsuchilelukeu Vesulho lakhi shi ghi Pa khopemiqo lau qhipuatsu ani. Hi azuloputsukeu (baptism) lono kumonapi aye aghola kutau loye kiu lonomu Paye thive, shiqhove eno xuchileluvekeu kiqi kichepiyesumla. Akupulumu lakhi pesu azuloputsukeu (baptism) lono **Rommi 6:4-6** lo pipuakeu kiqi shikupulu ani.

Kughou nipesu Azu lo putsuve keno,  
niye Jisu kithi,



Jisu qhovekeu, eno



Jisu xuithughi vekeu



mutotoi ikhilu vae



9

## Akupulu kukutsu thokha akivishi ithitoi lumphi loye azuloputsu mlananikeshea?

**“Inuli kititigo, Ino hipaquo nongu lau yeh ani, nongu pelo axine shipemonike ghenguno, eno tsutsala khiwana lakhino axine shive aghie pinamu ningu ye Apuh lau pikutsuu Lapuu (advocate) lakhi ani, Paye amikuchou Khristo Jisu ke” (1 Johan 2:1)**

**Khokichile:** Anga lakhi ye pano alacheu thumphi loye khilemu cheu chemo, tishimo aye paye nekipheve nani eno iluqive nani. Khristomi punukitheve kemi lakhi ye Khristo lono anga lakhi toike. Tighenguno hi akuxu kilivekeu pesu pujushijukeu ipi cheni. Azuloputsu luvekeu kumla lono kiche piyesutsu akeuno akuxu aqau lo kumlaqo kumtsu pesu azukumoki lo shiqhovea, eno itehiye ningu kuxu ye Khristo lono anga kughunu lakhi kuxu toikeu lo ani. Ninguno Khristo lau akupulu mtolumphi lo nekipheve eno ikiqive cheni. Alhou ye ningu kumla kughutha eno ningu kukumuski qiqi lono kughathabe nani.

## 10

## Axinemi lakhi ye amulo pebideve kemtsa azuloputsuve maye sakeshea?

“Noye khiu khe anikea? ithulo eno azu lo putsuluvelo (baptiz shiluvulo) eno Ampeu jeh kuno oxineqo qhukimitheluvulo” (Apostolmi 22:16).

**Khokicile:** Axinemi lakhi no amulo pebideveno Jisu jeh lono azuloputsu luvekeu ye Jisu no pa xine kipimiyo kumtsu qhivetsuake ipikeu aqoaho lau pephePiyekusuvekeu ke. “Tsutsala ninguno ningu xineqo pipheve aye,Paye pulubekulu lono eno amikuchu lono ningu kipimi qhivetsunani, eno amikuchokumo kumtsu launo ningu shikimithevetu nani” (1 Johan 1:9). Li xine kipimiyo hu li thiu qhivea. Timi lakhi ye akuxu pekiliveke thiuye pa shou kiuana ngukubekepu kumla shikepu kumo. Ishi nachumiqono Alhou pelo panongu xine kipimiyo qhivetsu penikepi aghichhe aghime kumla shi, amakho kimishi puqhe peqhe cheni, akhuamuzu shi alaghi kushua lo cheukeu shicheni. Ikemu akumlau aphivilo akeuye oxineqo hu tishi xapusu Khristo lau ighilo, kughengu Pano ningu vilo hitoi pi ani; “Niye oshikimitheve tsunike pulo ani” (Mathi 8:3). Paye oshikimithevetu keu likhi kumono o lolo aqau lo xine lhoayeh xapuchekeu kumtsu Pano xapuluvetsunike khe ani. Azuloputsulu keuye ighono akhoto kumla lakhike. Hipau shikeu lono Jisu no ningu ghenguno thime thokha kumtsu kutope qhivetsuake ipikeu aqoaho lau pephe piyetsutsukeu.

### Ninguno akuxu pekiliveno azuloputsuluve keu lono:

1. Wovekeu lo ningu xine kipimiyo kumtsu qhivetsuke,
2. Akichiqhikepu shi ningu kuxu pekilipe akuxu kithe lo suvetsuke;
3. Eno ningu pesu Pa nuliyo shiluveke.

Kuchouno pano kuxu pekililuve kemiye azuloputsunikeu munuvenishi chemo. Kughengu Jisu no hitoi akichiqhikepu kumla pano lau shikeu lono Pa gihu eno aqoaho lau Pa kikimiye ghili pephe piyetsutsulu anike.



## 11

## Azuloputsu nike ghenguno ado khitohi kutolo kutoamaye sakea?

**Khokichile:** Tipauye luthu lakhi shou bepeani. Hami ye kutami khemono pai ikhiluve cheni, ikemu tolukivi itheno ikhiluvekeuno akiviu. Hile Baibel no kichekutsu hami tsuani:

- A. **Apostolmi 8:26-39 lo**, Ethiopiami akini jukukutsuu ye pano kuchou ghili chilukemtsa azuloputsuluve.
- B. **Apostolmi 16:23-34 lo**, Filipiami akughukheu eno pa kibolomi ye panonguno kuchou ghili ikhilukeujino azuloputsuluve.
- C. **Apostolmi 9:1-18 lo**, Tarsus mi Paul, Jisu no Damascus laghi lono pa kulukeu thiu atsala akuthuu loye azuloputsuluve.
- D. **Apostolmi 10:1-48 lo**, Korinnelius, pano kuchou ghili chilukeu tsala lono azuloputsu luve.



# 12

## Akuxu pekililuve kemino azuloputsu luvekelo Alhou ye kishi kumsu nanikea?

**Khokichile:** Pa Nu no azuloputsu luve kelo Pano hitoi pi, "Hiye Inu I qhuuke, Niye Pa shou I mulokiqi bepuacheni" (**Mathi 3:17**). "Ampeu kimiye chekemi ye alhokuthu lo Pa pulou shitsunike pukaputsa acheni" (**1 Johan 3:22; 1 Thesaloniami 4:1**) Kuchouno pano kuxu pekilivekemi shou kungugha no alovi cheni!



# 13

## Timi lakhi ye Alhou kukuhou lo kihimpi lakhi shimopinamu kuchou zulokuputsu ikhilumayesa nani keshea?

**Khokichile:** Moe. Alhou no hipau ghili mutsumishei kichepiyesu puani.

- A. Kumtsu aphimpi lakhi lo ku supuani. "Nongu ye aphimpi lakhi lo ku supuani" (**Kolosiami 3:15**).
- B. Akukuhou no aphimpi ke. "Pano aphimpi kutsuke, (Khristo no akukuhou kutsuke) (**Kolosiami 1:18**).
- C. Ninguye baptiz lono tipau phimpi lo ilo. "Aghungu lakhino aphimpi lakhilo baptiz shike" (**1 Korinthiami 12:13**).
- D. Alhou no akuxu pekililuvekemi timi kutomo pesu tsala pekighi lo akukuho lo sukuqhatsu, panongu ye xaluvekemiqo ke" (**Apostolmi 2:47**).



# 14

## Hile thime bidi azuloputsukeu lo shichemokeu ani:

**Atughiu:** Azuloputsu keu likhi ye akuxu pekilimla; timi lakhino azuloputsu luvekeuye pa kuxu pekilivekeu michike. Timi lakhi ye akupulu sumono, amulo pebidemono, eno amulo kithe pepumono Jisu no shipiyesukeu toi azuloputsu puaghiluvi. Ikemu paye azu lo ilo puto no pa phimpi chechei ipeghikeu thono aghungu kuxu lo kiumu alahshilukeu kuha. Itaghi akupulu sumono, eno amulo pebidemono eno amulo kithe pepumono azuloputsukeu likhiye akuxu kithe sutsumo nani. Akimithe Ghungu kuka likhino axinemi lakhi mulo pekilitsulunani. "Timi lakhiye azu lono eno Aghungu lono punukithe mayesa" (Johan 3:5).

**Akiniu:** Azuloputsu keu likhiye timi lakhi pesu akiviu shitsumla. Azuloputsu keu likhiye ni kukumusu kilimla. Hami ye azuloputsu veakemu pano lau kiumu akikili shimlakeu ghenguno pano loshipusuve cheni. Xakulu ye kumsukuju lono ighichemo, ikemu akupulu eno aghokulu lono ighicheni.



**Akuthuu:** Azuloputsu keu likhiye ghukuju theqhilu chemo. Satan ye nono azuloputsu akelo timi khiuana vechewo oghujukeu shichemo. Jisu no piqhi puakeuno, "Niye khilemu oqhivemo, momu ophevemo nani: **(Ibrimi 13:5)** Ghukuju ye ijoiivenikeu laghi sumo keloje ghuju chemo" ipikeu kuchoyehsu lono piqhi puani. **(1 Korinthiami 10:13).**

**Abidiu:** Azuloputsu luvu aye xalunani ipi khilemu kihithatsu puamo. Xakulu ye punukitheve kemi lau Jisu Khristo no kumsa gho lakhi shi pesu tsupani. Azuloputsuvekeu (baptism) kuchou ye akuxu pekililuvekeu michipuke. Okuxu pekilimono azuloputsu akeu ye adou.

15

Jisu no ovilo azuloputsu luvelo ipi akeu kiquye oxine qhukimithetsuni ipi anike. Noye akimithe kukhuayeh hipaqa itheno ikhiluvenishi anima?

**Nono khochilenikeu:**

Tsutsala Jisu no ovilo azuloputsunikeu (baptism) ghili pitsu aghiaye noye tipau tuchileve kevalo.



# Nono Iniju Keu Khochiletsu Ani

## 1. Azuloputsu idelunani keshea?

**Khokichile:** **Apostolmi 19:1-5 lo**, Baibel no pi akeuno mayesakepu shive aye azuloputsu idelunikeu pipuani.

## 2. Anuli kititiqo pesu azuloputsulu nanikeshea?

**Khokichile:** (1) Pa momu li no Alhou wu kuchou ghili ithipaghimo kelo yave azuloputsu mla. (2) Azuloputsuni kelo kuchou ghili ithitoiluve eno pulutoiluve paghimayesa. (3) Amulopebideve paghimayesa (4) Akuxu kikili pujushijuve paghimayesa. Anga kititiqo pesu azuloputsu tsukepu chipiu hile kuha. Hipau chipiu pesu khiumu tsupuamo. Titoikeu shiveaye paye Alhou no kichepiyesupuakeu yehza hexave ani. Ampe kutomo woveake, akukuho lo saphepimi chekeqono anga qo pesu azuloputsu tsumovekeu lono panongu puhave ani ipi kutsu chekeuye pimi ani. Hiye Baibel lo kuhakeu kumla. Anga shi apho lono pesu azuloputsu tsumovekeu ye Alhou ye ayikusa kukau ke ipi timiqono Alhou pipusaveche. Hitoikeu kukutsu eno kumla ye kumsapu lakhike.

## 3. Azuloputsukeu ye timi lakhi kukumusulo lono shilunani keshea?

**Khokichile:** timi kupulo loye shimla. Khristo kupulo lo likhino shilunani. Khristo no pikeuno timi lakhi pesu azuloputsukeu ye Pa ghenguno ighono akhoto lakhi ke ipi. "Timi lakhi ye azu lono eno Aghungu lono azuloputsu kelo yave Alhou kukaqha lo ilomla" (**Johan 3:5**). Azuloputsukeu yehza tuchilevekeuye vejoi Alhou kukutsu tuchiletsu anike (**Luk 7:29, 30**).

## 4. Timi lakhino azuloputsunike lo pa momu li punumpe khijehi shi aghimayesakea?

**Khokichile:** Kuchou ngo kichileu pama dolo ithikututa shilukepu qhemi shi aghimayesa, eno azuloputsuluve kethiuye Khristo gholu eno papemayesakepu kighithi ithivekepu qhemi shi aghimayesa. Azuloputsu thuveake ipieno apunu mpe 10, 11, hamiye 12, 13 shi apho lono pesu azuloputsuveni cheni. Ikemu Baibel lo apunu mpe kihithatsukeu kuha. Kuchou kichileu ghili akivishi vethaluveke thiuno shitsukeu no akiviu.

## 5. Azuloputsu move namu xalunani keshea?

**Khokichile:** Moe. Ikemu tsatsala pano azuloputsunikeu tuchileve aye paye puhavenani., kughengu pa momu li ye agholumoveake ghenguno. Xakulu ye kumtsu aghokulu lono ighi ani (**Ibrimi 5:9**).

## 6. Akimithe Ghungu lono azuloputsu movenamulo kiumo kumo keshea?

**Khokichile:** Moe. Hipau ghili Baibel **Apostolmi 10:44-48** lono kichepiyesu ani. Azu lono putsukeu avehu shi ani. Akimithe Ghungu ithuluve aghikithishinamu azuloputsukeu avehushi ani.

## 7. Ninguye Jisu jeh lono azuloputsu mayesakeshea?

**Khokichile:** **Mathi 28:19** lono piakeuno, pululuvekemi lakhiye Apuh jeh lono, Anu jeh lono eno Akimithe Ghungu jeh lono azuloputsu lo ipi puani. Atsa hipau ye Jisu Pa ampino piqhikeu akimithe tsa lakhike. Apostolmi kaku lo akitheshi pululuve kemi pesu Jisu jeh lono azuloputsukeu ghili ithulu ani. Jisu no Messiah ke ipi kimichivetsukeu ghili ithitoiluveke hu panongu ye Jisu jeh lono azuloputsunikeu kisheluveke. Hiye ishi ningu ghenguno ghi ighono akhoto kuchou shi ani. Mathi Tsakiviu eno Apostolmiqo kaku pama lono ashepe tsupuaghikeu kiqu lono ishi ningu ye pululuvekemi pesu Apuh, Anu, eno Akimithe Ghungu jeh lono azuloputsu keu shitsu acheni. Kuchoyehsu lo tsa hami qhiveno hami ikhiLukepu kumo.

## 8. Ixineqo qhoi qhikhalumpho kemu niye azuloputsulu nanima?

**Khokichile:** Ado kumtsu lo ninguye axine lakhi ye sasu kichighi acheni, eno tipau theqhimlano acheni. Tipau ghenguno omulo ichokevilo. Alhou ye opelo amakho tipau puqheluve penishi ani, eno axine khikhino



omeluvuniye shi anikeno tipau shou tokulu shiluve penishi ani. Ningu kutuu puzu ningu gizulo akupu lakhi akeu lo poikuni nolo (**Ibrimi 12:1**). Kiu kiu xine shi aghiepimu tolukivi qhoi theqhivemo kelaye azulokuputsu (baptism) lo ilolumonani. Ningu kuxu aqau lo xine hu pithikhavemo kelaye ningu kutoshi Khristo kuxu akitheu lo ilolumonani.

## 9. Noye Galatiami 3:27 lo hepho piyesutsulu nanima?


**Khokichile:** Hile Alhou no azuloputsukeu ngo kulakupu pama kimighi puatsu ani. Timi khiuno pekipheshi azuloputsuluve akeno pa momu liye Khristo jeh- Khristomi lakhi shiluveake ipi pephe piyesuvea. Titoi, kulaliu ye kula akelono li ye li kimino lagha shiveake ipi li kimi jeh pepuluve cheni. Kulakupu lo toi azuloputsu keu loghi papemayesa kepu kukhuayah ani:

- A. Kikimiye no akiqheu shi aghimo kelaye akibo lakhi lo ilo kumtsa kuqhape xuluchemo.
- B. Shilukeusa shilukivi kumtsu lo ilo chhosukilemo kelaye pulubekilelu chemo.
- C. VethakileLuku lo aghimayesa.
- D. Thokha kumtsu lo ithelo momu munulove kepu kumo.

**Hilehi okukumsu eno injuakeu pitsulou**



01



02



03



04



05



06



07



08



09



10



11



12



13



14

## Akiphi hipau ghi akiphi kichekutsu 14 gholo kakhi ke.

Akiphi kumtsu lo akumzapu kuchouqo, khipaano o kuxu eno no kibolomiqo kuxu pekilivetsu kulupu ani eno tipauno nongu sasu lhokta lajupu lo ighikulupu ani. Akiphigo gholo lakhimu vezuvekeu shikevilo.

**Akiphi kichekutsu 01:** Tile nono pulube Lukepu kiuana qhiveakeshea?

**Akiphi kichekutsu 02:** Alhou ye Tughami Ihosukeshea?

**Akiphi kichekutsu 03:** Akithi laono xapheluve

**Akiphi kichekutsu 04:** Tsutsu yeghiqha dolo Aphughi kije

**Akiphi kichekutsu 05:** Alokivi kulakupu tsapi

**Akiphi kichekutsu 06:** Atulaphaqo shou yehpukutsu

**Akiphi kichekutsu 07:** Xu-lhe lo atsala lakhi puhavekeu

**Akiphi kichekutsu 08:** Qhoi xapheluve -Jisu Khristo ideighini keu

**Akiphi kichekutsu 09:** Akutsughu eno Akuka

**Akiphi kichekutsu 10:** Kithimi ye kuchouno thiveakeshea?

**Akiphi kichekutsu 11:** Amiyizu ye Tughami pichepuani keshea?

**Akiphi kichekutsu 12:** Alokughuno mpe 1,000

**Akiphi kichekutsu 13:** Alhou no ashiahji kivi kupughu shitsu

**Akiphi kichekutsu 14:** Aghokulu ye ayezza lakhi shiveakeshea?

Kughou no no atughiu Akiphi Kichekutsu-u 14 pihqhive nikeno itaghi niu mlakiphe akiyeh lono khulo:

Amazing Facts India, Post Box No 51, Banjara Hills, Hyderabad-500034

Kimiyepe Summary Sheet hipau kishekha mpho zuwuno akiphi phijulou. Khokichile kumtsu akiphi kichekutsu lono ithulunani. Chejuno achipiu khokichile lo sutsulo. **Akikhi parentheses lo piyepuakeu (1) no khokichile achipiu ke.**

**Form tipau pichivenikeu ghenguno kimiye pu “[Adobe Reader](#)” peithalo.**

**1) Baibel no ningu vilo tile Ampeu lakhi, akupulu lakhi eno (1)**

Azuloputsukeu (baptism) 15 ani ipie  
Azuloputsukeu 5 ani ipie  
Azuloputsukeu 12 ani ipie  
Azuloputsukeu lakhi likhi ani ipie.

**2) Jisu ye azuloputsukeu avehushi akeu ghili kutsupiye keshea? (1)**

Iye. Moe.

**3) Jisu no azuloputsukeu (baptism) shikelo (1)**

Azu pesu kuzute  
Azu pesu lekuchhu momu shote  
Azu alou ilono putsu

**4) Azulo putsu (baptiz) ipikeu kiquye (1)**

Alokivishi keu  
Kuzute keu  
Lete momu shote keu  
Azuqhou inasu putsu keu

**5) Ishi azuloputsukeu (baptism) kuchu kumokeye ghili kutomo pesu ningu tsu anike tiye (1)**

Khristo no tsuke  
Akhopemiyo no tsuke  
Achine lo timi sakiphemiyo no tsuke

**6) Timi lakhino azuloputsuni kelo kutonikeu thimeyo amichi shitsulo (4)**

Ghuthu 5 kutolo Baibel phimayesa  
Baibel lo kuchougo pululuve mayesa  
Akuxu kikili pujushiju mayesa  
Vequi ghuthu 10 injumayesa  
Atsala 40 kumvu mayesa

Alhou zahkutsuqo phimayesa  
Amulopebideve eno axine kumlaqo  
qhivemayesa.

**7) Azuloputsunikeu (baptism) ghili lono kichekipiyetsu akeu (1)**

Ayeghiqha lhosulukeu ghili kiche piyetsutsu ani  
Baibel lo ghilikesutsu ani  
Kungugha lo ghili kiche piyetsutsu ani  
Khristo kithi, shiqhovekeu, eno  
xuchileluvekeu kichepiyetsutsu ani  
Kungumiyo ghili kiche piyetsutsu ani.

**8) Akitheshi azuloputsulu kelo Khristomi lakhi ye (1)**

Aghungu lo anga kughunu lakhi toi  
Aghungu lo kichimi lakhi toi

**9) Akighini gholono amikuchoshieno eno vethakulushiluno azulo putsukeu ikhilumayesa (1)**

Azuloputsulukeu lono aqha lau kuchouno  
amulo pebidevekeu piyesunani  
Azulo putsunike genguno kumo puzu azu  
mihijuniye ilojuke  
Nono azulo putsuluveke thiuye khilemu  
oghukejumoake ipikeuye kumo.

**10) Anga aphi lono azulopiutsukeu ye Aghungu lo achipi keshea? (1)**

Iye Moe

**11) Itimi hamiye kutami zuuno azulo putsuvenike kuto acheni (1)**

Iye Moe

## 12) Baibel kiqi lo kishi shikeuno azuloputsukeu kuchoukea? (6)

Baibel lo azuloputsukeu pesu kulakupu kimighi puatsu ani.  
 Noye Akimithe Ghungu lono azulokupoutsu avehushu ani.  
 Timi no kutsukeu nguno alau Alhou no kutsupiyekuno akiqheuke.  
 Jisu no baptiz shikeuno ningu ghengu kichekipiye lakhike.  
 Kuchoyehsu lo azuloputsu idekeu kichekipiye lakhi ani.  
 Azuloputsukeu ye punu kithevekeu michipu lakhike  
 Azuloputsukeu lono akuxu aqau hu shiqhovea.

Noye ghuthu tsuni kutolo azuloputsu idemayesae.

## 13) Azuloputsunike ghenguno timi lakhi ye apineh do kutomo eno aqhi kutomo kuto amayesakeshea? (1)

lye Moe

## 14) Timi lakhi ye akukuho lo kihimpi kumphiamu kuchou zulo kuputsu pujushiju keu shilunani keshea? (1)

lye Moe.

## 15) Niye tolukivi itheno azu alou pesu putsukeu (immersion) zulukuputsu luvemayesae

lye

Moe.

Niye azu alou pesu putsukeu (immersion) zulokuputsu luveake.

**Kungu inju puakeqo achipilo khochile tsulo!**



## India



**Tilehi kihisuvani kehenguno oje, email eno thepiu kikihi sulou.**

Owu akiphi kichekutsu KUMUSA no ithuluni kehenguno "Sulou" lo inalo.

<b>Oje :</b>	<input type="text"/>			
<b>Owu Email :</b>	<input type="text"/>			
<b>Thepiu kikihi :</b>	<input type="text"/>			
<b>Okungo-a :</b>	<input type="text"/>			
<b>Aphugui, District :</b>	<b>State :</b>	<b>Aghaqhu :</b>	<input type="text"/>	
<b>Pin :</b>	<b>Apunu mpe amqo:</b>	<b>Gender :</b>	<input type="text"/>	

Anile shi no kusutsa nikeu tipau tsulou